

山東通志

卷二十七之三

內閣文庫		
函	冊	號
二	六	九
三	九	六
漢	書	類

內閣文庫		
架	冊	號
二	九	六
三	九	六
漢	書	類

(三九六)

內閣文庫		
番號	漢	3969
冊數	692 (343)	
函號	291	97



樂汝翼

成宗時知博興州持已廉潔勤於撫字興學重士民多化之

漢草文庫

張俊

順帝時知山東行樞密院鎮益都明兵攻廣固俊悉力拒守城破携妻子投井死

于德文

順帝時為山東宣慰司副使明兵取益都城德文與僉事齊都皆不屈而死

普顏不花

字希古蒙古人順帝時為益都路達魯花赤遷山東廉訪使駐益都城破被執不屈而死一門殉義

者男女數十人

王玠

山西太原人順帝時為壽光尹時歲凶盜起玠乃建亭講武精閱士卒儲糧積芻盜不敢近民賴以安

附 綦泰

樂安尹胡濬

益都路總管詳人物

明

劉子華

字昭甫宜春人明春秋工於詩詞洪武初召見命賦開平王常遇春挽詩子華援筆立就詩曰揮戈十載

定河山忽報星沉易水灣馬首西風旌旆捲天涯落日凱歌還功成楚漢興亡際名在韓彭伯仲間聖主思功心獨苦黃

金直欲鑄真顏帝大悅問吏部何缺乏人得青州推官政績茂著子仕諤亦有才名廷對親擢進士及第

歐陽銘 字日新南直泰和人洪武初知臨淄縣時副將軍常之將軍召詰詔銘曰卒王師民亦王民也民毆且死卒不當

管耶將軍意解為責軍士以謝已而大將軍徐達至軍士相戒曰是嘗抗

常公健吏也

趙復 浙江鄞人洪武初知樂安縣性剛毅善決斷創修廟學橋梁公私不擾

任祐 河南靈寶人洪武初以太學生授諸城令政績著聞

王鐸 陝西閿鄉人洪武時知壽光縣勸農桑興學校均賦役恤貧窮代去吏民遮道畱之

王公懋 洪武初為高苑縣丞時有強賊數十人入城兵民倉卒不及禦公懋率左右捕之賊傷公懋左耳不為動

擊殺二人餘悉就擒事聞賜以綺帛而降指揮等官

于子仁 湖廣武岡人洪武時為昌樂縣丞蒞政廉能吏民畏服秩滿民奏保畱遂陞知本縣後坐誣累民赴京訴

擢登州知府

于潛 河南鄆陵人永樂時由監察御史出知昌樂縣革除奸弊修舉廢弛官至應天府尹

張旗 山西榆次人永樂時知安邱縣時妖婦唐賽兒等攻將陷會倫倭指揮衛青兵至旗出城中兵合擊大破

之卒全安邱事聞擢旗山東左叅政鴻為左叅議

趙偉 山西潞安人天順時青州知府有一家犯死罪三人偉憐其乏嗣委曲得活其一

李昂 浙江仁和人成化時知青州府歲大饑發官廩數十萬石又勸富民出粟八萬餘石相助賑濟流民至則

煮粥給之郡人比之富公

馬亮 北直成安人成化時知樂安縣清直廉明門無私謁抑豪強賑貧乏人咸感其惠

奚銘 順天宛平人成化時知樂安縣勸農桑興學校除弊懲奸民俗大化行取監察御史

沈清 浙江歸安人成化時知樂安縣政平民悅在任三年凡境內隄橋壇廟無不修舉

楊昕 浙江處州人成化時知壽光縣廉明剛直嫉惡如讐
時有豪滑大姓結黨害民號為七虎昕悉按治之其
息遂

方璈 四川簡人成化時知壽光縣時
歲饑疫厲設法賑恤民賴以安

鄭珏 河南歸德人成化時知壽光縣撫
綏有方流民歸業者一萬餘戶

朱允恭 北直保安人成化時知諸城縣清介不阿以事件縉
紳被誣詔逮民詣闕保奏上嘉其能賜復職尋卒於
官民甚

哀之 周致 浙江鄞人弘治時知臨淄縣公廉明敏士民悅服嘗
署篆益都以公事至會城暴疾卒於逆旅兩邑民聞

之爭扶其柩後各 送至水次而歸

李獻可 北直固城人正德時知青州府事無大小必三令五
申而後行民有犯法當懲者必明示其罪由俟再犯

而後刑之嘗曰人言青俗強悍吾弟見
其梗直饒古風爾以績最調開封府

牛鸞 正德時為益都知縣時流賊劉七等焚屠城邑殺長
吏諸州縣率閉門守或棄城遁鸞獨練兵士為城守

與樂陵知縣許達互相犄角追奔斬
獲有功事平與達俱超擢兵備僉事

陳文偉 南直舒城人正德時知安邱縣才識明達膂力過人
時流賊數十人突入縣署掠庫金而去文偉俟其行

將三十里挾彈乘一騎馳赴之識其為賊首者彈發中左目
又再彈中右目賊眾大駭伏地請死文偉曰弟為我送金還

庫當貸一死賊唯命文偉以一騎尾其後抵縣
羣賊請死文偉笑曰不足污吾刃悉杖而遣之

張勛 正德時高苑縣防城指揮時流賊楊寡婦寇掠州縣
兵備許達擊之於濰賊將走滄州勛度其必從城西

間道乃勒兵邀之斬獲
甚眾自是賊不敢窺青

藍瑞 字伯麟河南鄧州人正德中為青
州府推官蒞政廉明吏民畏服

溫純 陝西三原人嘉靖間知壽光縣闢草萊決
冤滯一秉經術大著賢聲行取監察御史

李宗樞 陝西富平人嘉靖時知諸城縣邑多衛弁奪民田隱
糧漏役大為民患樞悉按治之令占田者咸自首民

得歸田萬餘畝邑境東瀕海秋收時羣盜常竊刈民禾放洋而去前令多不能制樞設法防捕盜皆屏跡民甚德之

姜璧 順天文安人隆慶時知樂安縣丈量地畝編審徭役實心行政事無緣飾治以暱聞

胡良機 字省之江西南昌人萬曆時知臨淄縣以慈惠著稱尋調益都淄人詣闕爭之不得因召為監察御史

王夢尹 直隸寧津人萬曆時知臨淄縣時徐鴻儒以白蓮教倡亂兗西邑有焚香聚眾者將應之夢尹委曲諭以利害曰爾等愚民被誘甘蹈白刃者以向曾籍名伊教中懼株連不汝宥爾吾今為爾等明立自首之案彼雖有籍何慮哉且爾縱不顧身獨不顧父母妻子乎眾皆感泣其黨立時解散尋調益都治亦稱量

汪喬年 字歲星浙江遂安人天啟時知青州府遇歲饑輒捐俸錢倡率紳士咸輸助賑各屬額解常例歲不下二萬金悉辭不受每出聽事廊廡下置土鏗十餘令訟者自炊侯鞠吏無敢索一錢者陞任去郡人立祠祀之

朱之馮 字樂三順天大興人崇禎時以叅議分巡青州每讞民之甘於從盜者正以魁餘悉縱遣兩臺嘗病其失出之馮曰為良民若仍復煽誘則亦巨魁也人服其言進副使奉表入

都家屬在濟南十五年城破母李氏妻馮氏及子皆死之後之馮巡撫大同流賊陷城自經死

張文燧 通州人崇禎初知益都縣仁慈寬厚在任九年人感其惠

文昌時 廣西全州人崇禎時知臨淄縣以廉惠得民十五年城破與訓導申周輔共死之

周啓元 湖廣黃岡人崇禎時知高苑縣十五年城破啓元朱衣坐堂上死之

李耿 北直大興人崇禎時知壽光縣十五年城破耿自縊於城樓上

附 申良 知諸城縣詳登州府

登州府

漢

毛欽 桓帝時為黃令時張儉亡命東萊止李篤家欽操兵到門撫篤曰籛伯玉耻獨為君子足下如何自專仁義篤曰篤雖好義明公載半去矣乃逸儉使逃

山東通志

卷之二十七

宦績

三

國立公文書館 National Archives of Japan

晉

龐

伉

懷帝時為東牟太守時王彌寇青州伉拒之不屈被害

北朝

邢

臧

字子良河間人宣武帝時為樂安內史清慎奉法後遷濮陽太守亦有惠政

杜

弼

字輔元中山曲陽人明帝時為曲成令清靜仁慈獄訟止息遠近稱之時光州發所屬兵達北海郡皆縣令部送軍所州兵多散去惟弼所送無一逸者其得民心如此

唐

常

俊

元宗時為登州刺史渤海靺鞨寇登州俊死之

嚴

俊

元宗時為登州刺史布治行惠吏畏其威民懷其德

鄭

昉

榮陽人元宗末為北海尉時縣民孫俊聚黨將應安祿山昉率眾擊殺之改登州司馬李光弼表為武寧

府判官後遷沂州刺史降賊李浩等五千餘人

畢元愷

穆宗時寧海州刺史子惠困窮民懷其德

五代

郭進

深州博野人仕周為登州刺史郡多盜賊進率鎮兵平之部內肅清吏民千餘請立屏盜碑世宗命近臣

撰文賜之

李萬超

太原人初仕周為萊州團練使從平淮南移登州團練所至皆有善政時詔重均田租前牟平令馬陶籍隸文登隱田不稅萬超命繫之將先斬而後聞陶懼遁由是人皆以實首賦役公平人心悅服

宋

李繼昌

上黨人太宗時青齊歲饑多盜乃授繼昌登萊等處都巡檢使剿撫並行群盜乃息

侍其儲

字景升河內人真宗時知登州會歲饑其儲請漕江淮米以賑貧乏活者甚眾

山東通志

卷之二十七

宦績

三

劉 渙

字仲章保州保塞人仁宗時知登州增置

郭志高

仁宗時知登州修浚城池招置水軍凡防

趙 滋

字子深開封人仁宗時知登州乳山砦兵叛殺巡檢

付之獄人莫敢動在

趙延溥

真定人神宗時為登州團練防禦使判登

許 遵

字仲塗泗州人神宗時知登

蘇 軾

字子瞻四川眉山哲宗時知登州初元豐時嘗知

舉曰違制之坐出於司農是擅造律也未即行既而朝廷知

其病民罷之安撫使捕盜卒克暴恣橫將為亂民奔訴軾

乃徐使人誘出戮之哲宗即位改知登州未一月召入為禮

部郎中將行以未觀海市為憾歲當除為文以祭海神翌日

其海市詩文勒石

蓬萊閣至今猶存

附 馬知節

知登州詳

宗澤

通判登州

馬默

知登州詳人物

李師中

金

完顏衷

世祖曾孫天會時為寧海州刺史時賦役不均甚為

德隣境聞之多取法焉

李自牧

大定中為棲霞縣令專務

王 瑜

明昌時為文登縣令持身正直

史嗣真

漁陽人明昌時為文登縣令不受私謁發

烏古論榮祖

本名福興河間人明昌時為寧海州

吳邦傑 哀宗末為登州通判元兵至被執驅令領兵攻城邦
傑曰食君之祿而收君之城可乎勸之降不屈與之
飲食亦不顧遂遇害

元

王鼎臣 真定人世祖時為棲霞尹期年
教化大行風俗淳厚士民頌之

史繼民 世祖時為招遠縣尹先是民鮮知禮繼民定為吉
軍賓之儀每朔望集士于於明倫堂講習開導令其

教化鄉里三年之內
翕然同風稱文物焉

張元禮 泰定時以指揮守寧海州有劇賊據文登縣分寇州
境元禮晝閉城若白守狀而一夕馳至文登盡拔其

寨賊黨悉就
擒民賴以安

附 郭侃 知寧海州 陳子恒 招遠尹 張起巖 登州同知
詳東昌府 詳人物

明

周斌 字斐臣浙江錢塘人洪武初知登州後陞州為府即
以斌知府事創建規模措施盡善至今稱賢守者以

斌為
第一

林弼 福建人洪武時知登州府慈惠愛民
政平訟簡尤以文學著名訓迪士子

畢汝舟 直隸武清人洪武時知登州府
廉明正直郡邑稱治民甚懷之

段堅 陝西蘭州人洪武時初任福山知縣尋陞知登州
府持身剛正器識宏遠常以道義自任學者宗之

朱希顏 南直江都人洪武時為登州府同知
興學校崇教化鋤強抑豪名強幹吏

嚴節 洪武時知黃縣在任九年民安
其治陞順天府丞因立祠祀之

張鳳 洪武時知文登縣廉明正直剛毅果斷
惠濟憚獨興崇學校去後人愈思慕之

蔣賢 南直武進人永樂時知蓬萊縣公廉勤慎
賦役均平歷九載男婦皆以蔣父呼之

張哲 陝西蒲城人宣德時知招
遠縣寬慈仁恕百姓樂之

戴 瑶 河南汝寧人正統時知登州府修建學校公署不傷財不勞民人服其惠

林元美 福建閩人正統時知寧海州時州置兩衛軍多於民習俗暴戾訟無虛日元美抑衛伸民用潛移默化之

術衛軍且多感之有二僧丐於市元美訶之見其色動執訊之乃隣境逸獄盜也人咸服其神

郭 容 字子仁山西渾源州人成化時知寧海州時州有任姓豪滑鄉人畏之目為任虎容未下車潛得其不法

實兼教養因條具利民化俗十六事於監司請行之

婁 鑑 北直獻縣人成化時知棲霞縣蒞政公勤撫善良抑豪滑以明察著聞

李 勉 山西祁州人成化時知招遠縣仁慈愛民終任三年獄中無一囚繫巡按特表其賢

胡 昂 山西定襄人成化時知招遠縣廉能明斷以公道稱遠縣廉能明斷以公道稱

徐 問 字用中南直武進人弘治時知登州府時濱海多盜問廣設方畧盜藪為之一空

李 鉞 山西太平人弘治時知蓬萊縣以廉幹遷登州同知嘗因登臨之暇疏見聞善惡於蓬萊閣以寓傲屬聞

者莫不猛省

劉 淵 北直安肅人弘治時知黃縣政尚寬和民有爭訟必先召入私署委曲開導使自相悅服而後已暇則出

郭問民疾苦隨事施濟無不愜願常夜行城市中聞紡織與吟誦聲必流連往復俟其既輟而後歸次日召而慰勞之以

是民皆勤於耕讀而俗亦近古

李 敬 山西大同人弘治時知文登縣知大體急先務有良吏風

馮 崑 蘇州人正德時知登州府時土寇擾亂之餘人民逃散土地荒蕪崑招集流離捐給牛種免其租徭禁其

侵擾數年之內閭閻復業生聚繁衍漸復成弘之盛百姓感之於去官之日皆齎金助裝崑堅辭不受乃建祠祀焉

鄭 漳 字世績福建同安人正德時知登州府恬淡簡默嘗書真西山四事十害於屏時以自警逾二年遷秩去

百姓遮道畱之

申 良 字延賢山西高平人正德時知招遠縣會土寇起膠萊間良預為戰具寇再至皆斬却之後調知諸城招

遠皆有保障功民懷其德各圖像祀之

陳韜 山西大同人正德時為萊陽主簿土賊攻城韜率眾死守城陷被執不屈死之

溫如玉 字孟醇湖廣鄖陽人嘉靖時由監察御史出為山東海防道時遼陽諸島交匿無賴間出剽劫登萊之間

時被驚擾如玉揚兵海上日厲水戰方畧以張其勢而密遣指揮湯詔等招撫諸島酋長約日來歸並請於臺省宥其已

往編立保伍給田通市咸遵約束焉

後以勞疾卒於官島人莫不哀感

韋國賢 萬曆時知福山縣時中使權礦稅於山東到處恣橫而陳增為尤甚增至福山國賢分庭抗禮增怒其不

拜國賢厲聲曰祖宗無此儀註增劾其

阻撓詔逮之巡撫萬象春疏救亦被劾

金友勝 登州衛世襲指揮崇禎五年叛兵寇登州圍城七日防撫孫元化遣部將張燾擊之令友勝居守時官

兵多受賊餌戰初酣忽無故自却蓋欲導賊入城見友勝巡防嚴密不敢動是夕友勝登陴巡警至南門城外官兵發大

礮仰攻之友勝遇害賊從東門入其故友耿仲明收其屍殮葬之

吳世揚 河南洛陽人崇禎時知黃縣叛兵陷城世揚罵賊死之

梁衡 崇禎時知萊陽縣叛兵圍萊陽城衡屢擊却之

張奇功 崇禎時為登標叅將防守黃縣叛兵攻城力戰而死

熊奮渭 崇禎時為駐防黃縣守備叛兵攻城與叅將張奇功同力戰死

張國輔 崇禎時為黃縣丞叛兵陷城國輔死之

萊州府

漢 張敞 字子禹河東人宣帝時為膠東相上書言治劇郡非賞罰無以勸善懲惡吏追捕有功効者願得一切比

三輔尤異上許之敞至膠東明設購賞令羣盜自相斬捕除罪吏追捕有功者上名尚書調補縣令數十人由是盜賊解除散國中不治入為京兆尹

卓茂 南陽宛人哀帝時為高密令寬仁愛民民不忍欺嘗

不當以時致敬乎遣而不受爾必謂亭長慢也受之而不從

爾之欲爾故言之亭長殆不以情執法者在任數年道不拾

遺蝗不入境後遷京兆丞密人涕泣留之

楊震 弘農華陰人安帝時東萊太守素著

清白史有四知之語人稱關西夫子

吳祐 字季英陳留長垣人桓帝時為膠東相政尚簡約以

譬之身到閭里為和解嗇夫孫性私賦民錢市衣以進其父

父曰有君如是爾何忍欺之促歸伏罪性持衣自直具談父

言祐曰掾以親故受汚名所謂觀過知仁使歸謝父還以衣

遺之又安邱男子母邱長同母行市中遇醉客辱母長殺之

祐謂長曰子母見辱人情所恥然白日殺人宥若非義刑若

不忍以長無子使其妻侍獄中遂懷孕至冬盡行刑長嚙指

為誓囑兒以報乃投繯死祐相膠

東九年復遷齊相亦有賢聲可稱

李咸 字元卓汝南西平人靈帝時為高密令政多循績青

州表其尤異後以年老乞歸嘗乘敝車犢牛使子弟

御之遊遊山水

之間年九十卒

附童恢 不其丞孔融 北海相王修 高密令

詳人物 詳人物 詳人物

晉

宋 懷帝時為長廣太守時王

彌寇青州羆不屈死之

北朝

鄭道昭 字僖伯滎陽開封人高祖時光州刺史政

尚寬厚不任刑威尋移刺兗州均有德政

楊逸 字遵道弘農華陰人高祖時光州刺史會歲饑檄所

屬郡縣盡出倉粟以賑所司以不奉詔難之逸曰天

子使逸總州事豈出納之權不相屬耶乃黜吏遠

近聞之爭先恐後事竣乃表稱待罪帝反嘉勞之

王由 京兆霸城人明帝時東萊太守

性狷介動必師古人皆欽仰之

趙翼 天水人明帝時平

昌太守有治績

宦績

鄭 雛

天保時膠州刺史治行清潔有古良吏風

王 昕

北海人天保時光州長史遷萊州太守會歲饑人相食昕賑恤多方全活甚衆

隋

辛公義

隴西狄道人文帝時萊州刺史下車先至獄中驗問十餘日遣決成盡方聽受新訟每日坐僚佐二人訊問商確有應禁者公義即自宿聽事曰刺史無德導人至繫人於囹圄豈有禁人在獄而心自安者罪人聞之咸自愧悔歛服後有欲訟者父老輒相勸曰小事何忍又勞使君訟者相讓而止秋霖大水境內禾稼一無所傷帝知其賢陞楊州道黜陟大使

宇文愷

字安樂周杞國公忻之弟文帝時萊州刺史博學多技藝政尚慈惠萊人樂之

來護兒

字崇善揚州江都人煬帝時為平壤道行軍總管兼檢校東萊郡太守甫至萊輯禁旅料軍實儲糗糧市不易肆民不知兵軍行有日忽聞楊元感進攻洛陽召裨將旋軍討之衆以無勅不可護兒曰元感以帝遠在江都吾又

將涉遼海故敢於謀逆爾公家之事知無不為專擅在吾不關諸人也乃旋軍進討令子馳驛奏聞及帝降璽書嘉勞而元感已就擒矣

唐

趙弘智

河南新安人太宗時萊州刺史事兄甚謹兄歿事嫂如事兄待兄子逾於己子萊人感化其德凡兄弟爭財皆不訟而自解

後進光州刺史

仇 源

太宗時為卽墨令築隄防水民免其害

王義方

泗州連水人高宗時為萊州司戶叅軍人知其為李義府所嫉莫敢近者惟門人員半千何彥先相往來母卒遂隱

寶 琰

中宗時為北海令開渠引白狼河水溉田委曲三十餘里因名寶公渠

劉康乂

昭宗時為密州刺史楊行密陷密州康乂死之

宋

楊美 并州文水人太祖建隆三年改北海縣為軍以美為軍使為政簡易民皆愛之召還民詣闕乞畱詔不許

民慟哭而還

崔頤正 河南封邱人太宗時為高密尉國子祭酒孔維薦其深明經術因遷直講官

葛懷敏 真定人仁宗時為萊州團練使濁流砦兵亂懷敏曰此將不慎也遣一騎檄取為首者剋期自縛否則全

軍皆坐於是首魁果自殺而餘黨亦解散

張旨 懷州河內人仁宗時知萊州善於拊循而勤於講武葉清臣嘗薦其有將帥才因改知邢州以禦邊

翟汝文 潤州丹陽人徽宗時知密州密濱海產鹽時蔡京屢變鹽法縱私販擾民汝文窮治其黨無少貸州應歲

貢牛黃汝文上言曰牛失黃即死非所以惠農宜輸其直於官不當獨私於密上從其請由是民困少甦

韓浩 相州人靖康時知濰州金兵攻城浩悉力死守及城陷與通判朱廷傑權北海縣丞王允功司理王薦皆

主家 狗難

晁補之 附 知密州詳 蔡齊 知密州詳 宗澤 知萊州詳 張揆 知密州詳

知掖縣詳 蘇軾 知密州詳 田京 知密州詳 劉庠 高密教授 孫

瑜 知濰州詳 許仲宣 知北海軍 詳人物

金

蒲察蒲查 世宗時濰州刺史清勤簡靜率由舊章不以開創多紛擾

胡嵩 武安人世宗時為即墨令政治修明嘗破妖狐之怪人傳頌之有異政碑

房周卿 章宗時為膠西主簿常典建學宮一時文風為之大振

元

劉秉恕 邢州人世祖時淄萊路總管有疑獄死者六人秉恕覆驗得實悉為平反人甚感之

張崇道

大名人世祖時知密州興舉學校教化大行民皆率循禮義

真間

上都人至元間為密州達魯花赤勸農興學百廢具舉秩滿民立去思碑

明

董俊

洪武時知萊州府為政廉平寬嚴相濟民立碑頌其德

潘中

洪武時知平度州公平廉介以內艱歸里僦民車而倍其值抵家民憐其貧甚反脫驂以贈之中因藉以

還其主

併其所孳之駒

趙禮

洪武時知膠州膠為商無輻輳之地吏多倚稅為奸禮嚴禁絕之日人出萬死一生覓蠅頭之利豈令若

輩坐享耶遠近皆悅服

吳履

字德基浙江蘭谿人洪武時知濰州時萊守核民間官驢孳息他縣皆勒民買償履陳不便數事守然之

並諸邑已償者皆罷州舊例得以羊牛代秋稅履諭民曰羊牛不無死瘠患不如納粟便民從之他日檄撥羊牛部送陝

改州為縣

乃召還民詣闕畱之詔不許

馬伯行

洪武時為昌邑縣丞廉潔自守布衣糲食吟誦不輟

王真

永樂時鰲山衛指揮時妖婦唐賽兒遣其黨攻諸城真選軍一百五十人分兩翼擊之殲賊千有餘級諸

城圍解

薛璘

宣德時知萊州府廉明節儉惠利及民後卒於官百姓哀號如喪父母先守兗州後以萊州守易之充民

歌曰誰將萊州土換去兗州金其為民愛慕如此

崔恭

字克讓廣宗人正統時知萊州府尚德化省刑罰政平訟理遠近悅服蝗飛入境恭露宿禱於神蝗自投

海死百姓異之為立祠以祀

仇鎮

汾西人正統間知膠州仁恕恭儉化民以德州有風逋數千兩鎮請於朝而免之

董鼐

陝西同州人天順時知膠州勸農興學無政不美猶於旱禱必雨屢試應驗民以為神

張福 山西蒲州人天順時知平度州

宋兌 成化時知濰縣專務以德化民

李棨 字從質直隸任邱人弘治時同知青州尋知萊州府

蔡皆 力為爭免在任八年民實感之

蔡顯 正德時萊州衛指揮僉事時山東盜起戍衛職司

雷子堅 陝西綏德人正德時知平度州時流賊遍處劫掠子

敢犯乃抗論將帥坐失機宜詞侵本兵為當軸者所惡

落職歸里猶出私財五百金以佐軍需封貯州庫而去

喬剛 正德時分防濰縣指揮流賊楊寡婦以干騎犯濰

周思兼 字叔夜南直華亭人嘉靖時知平度州躬行郊野嘗

盡得閭閻情狀王府奄人縱莊奴奪民產監司杖奴斃闔

王奏聞詔問狀撫按徽思兼定讞思兼按之日此決杖不如

法以王故加一等闕誣告罪當戍以王故減一等監司得復

故官又旁郡饑民掠食所司持之急將為亂檄思兼治之思

兼減從坐監輿手書小木牌數千隨行散置於地令饑民執

牌就撫有牌者悉賑以錢穀不數日而事定入覲舉治行第

一內擢部曹後督臨清磚廠募民築隄身立赤日中

堤成三日而秋漲大至民得免於災仕終湖廣叅政

宋禮 河南葉人隆慶時知平度州持身端

于仕廉 字元正南直金壇人萬曆時為登萊兵備副使繕萊

州城其後三十餘年叛將李九成攻萊州闕七餘月

終以城堅 不得破

龍文明 江西永新人萬曆時知萊州府時守

朱萬年 貴州黎平人崇禎時知萊州府叛將李九成等攻萊

之以精騎五百擁萬年至城下使呼守者出降萬年大呼曰

賊精騎盡在此急發砲母念我為守將楊御蕃不忍萬年頓

果傷其半詔贈太常寺卿

任棟 陝西永壽人崇禎時為萊州通判時李九成既以詐

照總兵楊御蕃等悉力死守凡數月及圍解各論功進秩有差

陳所聞 直隸新安人崇禎時知平度州

薛文周 陝西安定人崇禎時知掖縣時

邢國璽 河南長葛人崇禎時知濰縣有修城浚濠之功召擢

為登萊兵備僉事經度河道十五年閏濟南城陷率兵赴援墜馬死

武定府

漢

龔遂 山陽南平陽人宣帝時渤海太守時歲饑多盜遂至

兵者乃為賊詰之毋少怠令下群盜即時解散因開倉以賑恤之民有賣刀買牛賣劍買犢之謠數年吏民富實獄訟衰

永衡都尉

楊璇 會稽烏傷人靈帝時渤海太守有異政入拜尚書僕射

晉

鄒湛 字潤甫南陽新野人太康時為渤海太守少以文學知名故居官多惠政

劉亮 懷愍時渤海太守以王浚謀將僭號亮諫不從遇害

邵續 字嗣祖魏郡安陽人懷愍時為樂陵平原二郡太守當板蕩時能以兵屬元帝忠於晉室後為石秀龍所

執送於石勒不屈遂遇害

北朝

蘇淑 字仲和武邑人魏熙平中為樂陵內史綏撫有民譽後謝病歸老幼訴乞者甚眾淑清心愛下嘗歷三郡

皆為士民所思當時推為良二千石

封子繪 字仲藻 蓆人世宗時渤海太守曉達政事長於撫綏州郡以安弟子繡亦為渤海太守

隋

裴 蘊 河東聞喜人文帝時棣州刺史有能各大業中考績連最徵為太常少卿

唐

薛大鼎 字重臣汾陰人高宗時為滄州刺史奏開無棣溝引鹽至昔日徒行令跨駟美哉薛公德廣被時大鼎與瀛州刺史鄭德本冀州刺史賈敦頤齊名故河北稱為鎗脚刺史
邵 播 昭宗時棣州刺史朱全忠陷棣州播不屈死之

五代

華溫琪 字德潤宋州下邑人仕梁為棣絳二州刺史時河溢為患溫琪徙治新城民賴其利
張 錫 閩縣人仕梁為棣州軍事判官郡有麴務以牙將主之頗恣橫民有犯麴三勛輒置之死既而牙將盜官

麥百解私造麴事覺錫判曰麴犯三勛求生不得麥盜百斛免死誠難因置於法後為淄川令不畏強禦專務愛民民皆感而頌之不謬

李 瓊 滄州饒安人晉出帝時棣州刺史楊光遠以書招之瓊拒而不納帝嘉之

附 劉遂清 唐棣州刺史詳人物

宋

何繼筠 字化龍河南人太祖初為棣州防禦使從征太原晉陽所戰皆捷以功拜建武軍節度使判棣州前後在鎮二十年與士卒同甘苦得其死力邊人畏服多畫像祀之其子承矩為衙內指揮使善撫循百姓是以軍民輯和亦以從征太原功擢

齊州團練使
周 渭 字得臣昭州恭城人太祖初知棣州毀直傳延翰謀民遮道乞畱詔賜錢百萬走契丹渭擒之械送闕下渭在郡以簡肅稱及代吏

路振 字子發永州祁陽人太宗時知濱州契丹嘗薄城下州民震恐振親加撫諭日大兵不日赴援但堅壁自

守吾且滅之數日契丹引去轉運使劉綜稱其能詔書褒美之

呂夷簡 壽州人真宗時知濱州五代時河北稅及農器宋初沿之至是夷簡奏請得免又沿河修築隄防分導水

勢雖濱河海 歲無淹澇

孫冲 字升伯趙州平棘人真宗時為太常博士河決棣州寇準請徙州治河命冲往按視還言徙州治堤不若

塞河為便遂以冲知棣州自秋至春河凡四決皆塞之遷殿中御史

李仕衡 字天鈞成紀人真宗時為河北都轉運使棣州屢苦河患仕衡奏徙之明年旱蝗請發粟以賑後知青州

捕盜猶著能聲 尋入為三司使

張士遜 字順之陰城人真宗時為河北轉運使時以避河徙州陽信議者以所遺糧多為不可遷士遜視瀕河州

縣方乏食即計所餘以貸貧者 期來歲輸還新治州公私便之

金 高若訥 字敏之并州榆次人仁宗時知商河縣時有職分田牛種科及里地若訥自為置辦不以累民且著為例

李珪 世宗時知濱州蒞政廉明嘗條畫七事以革夙弊民受其惠


元 高謙亨 直隸深州人世祖時為利津尹奉法惟謹慎重刑獄嘗立廟學教授生徒利津學校之興遂從此始

趙珪 河間人成宗時為渤海尹歲饑請於朝得內府楮幣及利津倉粟以賑又請免秋租使民得安業上皆可

其請秩滿民 奏雷遂復任

附 姜彧 知濱州高禧商河霑化詳人物

明 凍泰 河南睢州人正統間知利津縣廉明仁恕振士風革吏弊百姓懷德稱為能吏



何淡 北直順德人天順時知濱州治政多善民皆稱之其均徭定役雖更歷久遠終不能易其法民愈追念之

白旻 北直保定人天順時為陽信縣丞持守公廉杜絕私謁撫逃亡振貧乏培養士子率作文教政皆稱善值本縣令缺民扶老攜幼詣闕奏請上即許旻為令

王繼 江西泰和人成化時知武定州政治明敏人不敢欺考績居最

衛術 山西蒲州人成化時知武定州剛直廉敏崇尚禮教民俗丕變去後人猶思慕之

才寬 北直遷安人成化間知商河縣平易近民政事修舉仕至都御史

王嵩 河南汲縣人成化間知青城縣廉明慈惠有古循吏風祠於郊

朱大用 南直句容人成化間知青城縣政修人和循聲遠播改擢衡州推官

劉瓚 保定清苑人成化時知蒲臺縣開荒蕪勸民耕織建廟學敦率士行人以為得養教之實秩滿行取監察

御史官至吏部侍郎

徐昇 江西豐城人成化時知蒲臺縣勤於撫字民樂其寬

陶福 浙江臨海人成化時知利津縣勸農桑興學校築隄防水民賴其利

楊儉 河南儀封人弘治時知利津縣凡海口商舶往還稽察必嚴而絲毫不染遠近德之

沂州府

漢

碭魯 武帝時為東海太守治官蒞民以廉節稱

尹翁歸 字子兄河東平陽人宣帝時為東海太守治極明察郡中吏民賢不肖及奸邪罪名盡知之時有大豪許

仲孫為奸滑二千石莫能制翁歸至論仲孫棄市一郡怖慄相戒莫敢犯禁

馮立 字聖卿上黨潞人元帝時為東海太守居職公廉多知有恩貸好為條教吏民嘉美時東海琅邪各為一

郡立兄野王治琅邪有聲立能媲美焉

祭

彤

字次孫潁川潁陽人光武時為襄賁令時郡國尚

劉

寬

字文饒華陰人桓帝時為東海相政多仁恕吏人有

執經對講見父老勸以農桑勉以孝悌

趙

浴

字文楚東郡燕人靈帝時為東海相在官

附刁韙

東海相詳兗州府

汲黯

東海太守詳人物

三國魏

吳

質

字文德壽春人黃初中為東莞太守士人盧顯為人

所殺質曰此士無讎而有少妻所以死乎適見其比

居有少年書吏李若見問而色動遂窮詰情狀即自首罪人

斯得每軍功賞賜皆散之於眾無入己者在郡九年吏民便

安將士用命後遷征東將軍假節都督

青徐諸軍事廣農積穀有兼年之儲

隋

王

承

字安期太原人愍帝時為東海太守政尚清靜不為

苛細有小吏盜池魚網紀推之承曰文王之囿與眾

共之池魚何足惜耶有書生犯夜禁為吏所拘問之乃曰

從師受書不覺日暮承令送歸其家其從容寬裕如此

鄭善果 榮澤人文帝時授沂州刺史其母崔賢明通曉政治

善果出聽事母恒於障後聞其剖斷合理則悅否則

唐

傅良弼

字安道清河人德宗時授沂州刺史時良弼守樂壽

城為王庭奏所邊聞沂州之命乃力戰突圍而出朝

廷以良弼忠賜

以奴婢服馬

王

沛

許昌人憲宗時拜兗海沂密節度使時新建軍府軍

士多獷鷺沛明示法制簡閱以時軍政嚴肅州乃大

治兵輯民安稱雄鎮焉

附曹華 兗鄆節度使詳人物

宋

趙德彝 秦王廷美之子太宗時判沂州飛蝗入境乃引咎步

疑其殺人誣置於法德彝察其冤命他司按之未幾獲殺人者生由是得釋

韓道 仁宗時為沂水主簿時京東多盜臨沂尉適缺命道兼之道廣設方畧收捕殆盡

附任宗 通判沂州詳人物

金

李 惲 字子友定州安喜人熙宗時為沂州防禦使轉運使

惲遣吏覘胸山儲糧尙可支半歲即具牒緩期俟秋冬刻運郡民無不感之

張汝芳 遼陽人章宗時知沂州治民寬裕而馭吏嚴肅深得政體歷久猶稱頌之

完顏伯嘉 字輔之章宗時為莒州刺史偶讞縣盜賊止錢二千

何以經月不使一錢此官兵捕盜不獲誣以準罪爾詰之果得其實由是各屬畏其明察皆不敢欺而盜亦止息

女奚烈守愚 字仲誨章宗時為臨沂令先是詔括山東地畝

臨沂人冒地積賞錢三百萬先給官鏹乃徵於民民多逃避守愚列其冤狀白於州州不為理即聞於戶部而徵還之流

民始漸歸業

時茂先 許州人宣宗時為日照沙溝酒監寓居諸城時紅襖

賊爾女等不可往賊聞而執之剜目斷舌至死罵不絕口事聞詔贈武節將軍同知沂州防禦使

附燕寧 莒州提控詳總部

元

儲企范 世祖時知沂州有文學多惠政初同知泰安州亦能興舉學校兩地士民咸稱頌之

張伯玉

世祖時為郟城尹廉而能寬公以行惠抑強扶弱民甚德之

彭庭堅

温州瑞安人順帝時為沂州同知爭毀牛皇神祠驅鄰境賊免橫急徵歛民甚德之

重喜

東呂紕氏世祖時莒州行征萬戶築十

苑華

成宗時為沂水尹以勸農興學為務與人雖極和平而絕無敢干以私者

明

趙麟

洪武時知莒州長於文學廉潔有守凡廟學公署皆所創建

弁魯

浙江烏程人洪武時為莒州同知青州民孫古朴等作亂襲莒州執魯初猶不敢加害擁至城南鄒家村

魯大罵賊不能堪殺之詔贈官并卹其家

邊傑

直隸行唐人永樂間知郟城縣剛直有守吏民畏服秩滿民奏畱之復任九載

沈固

字仲威鎮江丹陽人宣德時為沂州同知時有建言州西寶山社產銀鑛詔下核實將行固力爭以為不

可謂費多而得少恐勞民且致亂事遂中止

葉元凱

浙江麗水人正統時知沂水縣存心仁恕勤政愛民後卒於官民立祠祀焉

陳孜

邳州人天順時知沂水縣時城壞孜用石甃之沂人永賴

李琦

順天霸州人天順時知郟城縣持身廉謹勸農桑興學校決獄明允吏民懷服

毛玘

字國珍任邱人天順時知蒙陰縣母久失明玘迎養官舍朝夕焚香跪飴母目復明咸謂孝感所致邑有

逋賦積年無着玘多方完補而民不累會監司以檄徵均徭陋規玘拂之遂致憾罷官歸

李楷

南直松江人成化時知郟城縣歲饑開倉賑給括富民輸助之全活甚眾

趙一貫

霸州文安人成化時知日照縣田功水利力為興舉屢能變歉為豐民受其賜焉

席書

字文同四川遂寧人弘治時知郟城縣勸民墾荒流民皆復來歸作新鬻舍以課諸生值歲饑倡義民輸

粟又擇民分地為粥以食之立保甲法盜賊無敢入境以政最行取監察御史

宦績

唐龍

字虞佐浙江蘭谿人正德時知郟城縣會流賊劉七等作亂龍練兵殺賊民甚賴之

穆相

字伯寅三原人正德時知沂水縣外書六事內書四知以自勵政績著聞行取監察御史

晉承眷

山西洪洞人萬曆時知沂州會白蓮教倡亂承眷申嚴保甲訓練民兵籌畫守禦之策三城以安

侯國安

北直雄縣人萬曆時知莒州莒賦糧無正戶鄉長苦累殊甚國安行均丈法地畝一清戶給由票令各自

輸納民
承賴焉

杜一岸

陝西澄城人萬曆時知日照縣清欺隱減力役又纂修邑乘加意文獻時人推重焉

杜洽

字玉峯北直任邱人萬曆時知蒙陰縣創立學田一千畝凡貧生力不能婚喪者皆藉給焉其功在學校

者如
此

泰安府

漢

嚴望

九江人宣帝時太山太守治有能名

彭宣

字子佩睢陽人哀帝時遷東平國太傅張禹薦其經明有威重遂入為右扶風

劉章

光武兄演之子帝以其少貴欲令親吏事乃以章為平陰令有政績封為太原王

申屠剛

字巨卿茂陵人光武帝時以數切諫失旨出為平陰令有政績復徵拜大中大夫

謝夷吾

字堯卿會稽山陰人明帝時為壽張令嘗表邑女了張禹之孝行蝗起泰山過壽張界不入以尤異遷荆

州刺史

陳寵

字昭公沛國浚人章帝時泰山太守史稱其勤心物務歷二部三卿所在皆有治績

袁安

汝南汝陽人章帝時為平陰長嚴重有威人皆畏之後遷任城令亦稱治

李固

字子堅漢中南鄭人順帝時泰山太守時盜賊屯聚郡兵不能制固悉罷兵歸農以恩信招綏之群盜悉

解散杜喬巡察兗州表固政為第一

范丹 字史雲外黃人桓帝時為萊蕪長後遭黨禁遂推鹿車載妻子隱居陶山拮拾自給有時絕粒窮居人因

歌之曰甌中生塵范史雲釜中生魚范萊蕪又詳流寓志

苑康 字仲真渤海重舍人桓帝時泰山太守郡內豪滑多不法聞康至皆自歛飭先所奪人田宅盡還之時

山陽守張儉殺中常侍侯覽母并按其宗黨賓客或有逃匿泰山界者康皆收捕覽因遷怒康誣奏康詐上賊降坐徙口

南後羊涉等詣闕訟之得還本郡

皇甫規 字威明安定朝那人桓帝時泰山太守時盜賊侵擾郡縣規至設方畧平之又受命討群羌屢立戰功封

壽成亭侯

抗徐 字伯徐丹陽人桓帝時為泰山都尉時公孫舉等嘯聚泰山徐悉討平之

韓韶 字仲黃潁川舞陽人靈帝時為羸長盜聞其賢相戒莫入其境以是隣民多倚附之

張遷 字公方陳畱人靈帝時為穀城長重民事於囚獄黃巾起縣賴保全民甚感之

應劭 字仲遠南頓人獻帝時泰山太守會黃巾賊起劭糾率文武連戰皆克由是賊不敢犯郡賴以安

附 王堂 穀城長詳 陳俊 泰山太守 兗州府 詳青州府

三國魏

阮籍 字嗣宗明帝時為東平相籍騎驢到郡視事之日盡壞府舍屏障使內外相望法令清簡民樂其坦易入

為大將軍 從事中郎

晉

鄭默 字思元開封人武帝時為東平太守值歲饑默輒開倉出給乃舍都亭自表待罪朝廷嘉默憂國愛民詔

書褒美比之汲黯班告天下若郡縣有此比者皆聽出給

北朝

裴叔義 河東聞喜人魏高祖時泰山太守為政清靜樂易民皆頌其賢

崔伯謙 博陵人仕齊為濟北太守 恩信大著遠近皆歸懷之

李翥 安邑人仕齊為東平太守當擾攘 時能以文學飾吏治人皆稱其賢

附 殷孝祖 魏東平太守 詳曹州府

唐

劉光期 元宗時為壽張令以德 化致瑞應民立石頌之

姚闓 天寶末為東平太守起兵討 安祿山與張巡同死於睢陽

宋

雷有終 字道成同州郃縣人太祖時署萊蕪尉知監劉禕以 其年少易之有終發其姦賊禕坐罪杖流太祖聞其

名即以有終代之而遣內使伍守忠同掌監事且察其 治守忠同事闓月還奏有終強濟狀即召為大理寺丞

江休復 字降幾陳留人仁宗時知 奉符縣為政簡易民便之

喬執中 高郵人神宗時為須城主簿時治河夫役甚眾部役 者不得其人以致眾譟而潰惟執中所部始終帖然

後復知鄆州寬厚有仁政 屢典刑獄超雪至數百人

郭永 大名元城人徽宗時為東平府司錄參軍 事無大小永咸決之靖康之難不屈而死

姚益恭 徽宗時知須城縣清白有 才幹鞭朴不施境內大治

張俊 字伯英鳳翔成紀人初以承信郎平鄆州賊有功靖 康時從高宗至東平府命為統制討兗州賊李昱俊

與數騎突圍撓戰 諸軍爭奮遂平賊

附 徐處仁 知東平府 詳兗州府 范 諷 知平陰縣 詳人物 龔鼎臣 知萊蕪縣 詳人物

廉公諤 知萊蕪縣 詳人物

金

完顏守貞 宗室章宗時知東平府帝諭之曰東平素號雄藩 比年飢歉正賴經畫卿其為朕往撫之他日上問

宰臣守貞治東平如何對曰甚不勞力
上笑曰朕知彼之才治一路誠有餘矣

路鐸 字宣叔冀州人章宗時為東平府治中鐸
述十二訓以教民詔遍諭州縣咸法式之

雷淵 應州渾源人至寧中為東平錄事河朔重鎮兵驕將
悍民不安枕淵出入軍中上下調輯自行臺以下皆

倚藉焉尋
陞東阿令

完顏弼 宗室宣宗時知東平府元兵圍東
平弼屢却之人謂其有文武全才

附 蒙古綱 知東平府
詳總部

元

宋子貞 字周臣潞州長子人太祖時為東平行臺詳議官兼
提舉學校乃作新廟學延康澹軒王磐為司教招致

生徒俾習經義齊
魯儒風為之一振

張德輝 字輝卿冀寧交城人世祖時為東平路宣慰使春旱
禱泰山雨立沛凡讞姦賊獄窮之不少貸察免違輸

豆粟并民間繭絲賦有孀婦負逋賦實故夫之累
將鬻女以償德輝聞之分俸代完而復嫁其女

姚樞 柳城人世祖時為東平宣撫使置勸農檢
察二人量均賦役奏罷鐵官民甚感之

王暉 衛州汲縣人世祖時為東平詳議官有
幹才長於斷獄昭雪冤枉民稱其神

崔斌 馬邑人世祖時為東平守會大軍南伐道經東平卒
有撤民席投其嬰兒於地以死愬於斌斌馳謂主將

日未至敵而先殺吾民國有常刑汝亦當坐乃下卒於獄又
歲稔奏免租賦仍請得楮幣十萬以賑濟累遷江淮行省左

丞後為阿合馬
誣害天下寃之

塔塔兒台 世祖時世襲東平路達魯花赤
在任十年靜鎮不擾軍民賴之

張晉亨 冀州南宮人成宗時權知東平府事勤
於為政不厭煩劇在任七年吏民安之

只必 塔塔兒台之子世監東平官以清白稱嘗出家藏書
二千餘卷置樓於東平廟學令生徒講習其中其弟

禿不申相繼修理
學宮士論稱之

和道

字祥卿懷慶人延祐初為萊蕪尹性嚴明不事脂膏均賦役廣招徠鼓舞以勸農桑民為樂業猶加意造

士一時登仕籍者皆其成就秩滿民立石誦之

范仲謙

太原人泰定時為平陰尹勤於撫綏民樂其業立有善政碑

附儲企范

泰安同知

張之綱

東平路鎮撫

俞

欽東阿尹詳東昌府人物

明

邵暉

洪武時知新泰縣廉明平恕在任九年官無廢弛邑無流移

李得

洪武時知萊蕪縣公廉勤恪治政有聲秩滿民奏畱在任又十五年而卒

曹體仁

洪武時知東平州廉慎公明教民禮讓撫字最優

張仁

洪武時知東平州勤於撫綏民感其惠

黃哲

廣東人洪武時知東阿縣勤於為政寬以撫民前流移者多還復業

王季立

南直婺源人洪武時知東阿縣持身廉潔蒞政公平秩滿當遷百姓詣闕畱之

鄭華

字思孝浙江臨海人建文時以御史建言貶授東平州吏目靖難兵圍東平州長貳皆棄城走華率士民

固守及城破不屈偕其妻蕭氏死之

李湘

字永懷南直泰和人永樂時知東平州常祿外一無所取嘗築城東戴村壩以除水患又督勸開荒墾田

屬邑無不藝之上會舊官當還任民乃詣闕奏畱上從其請復任又十餘年

貝秉彝

初名恒以字行浙江上虞人永樂時知東阿縣時歲屢稔因上平糶備荒條議上皆從之并頒下郡縣如

東阿武邑西南有巨浸積潦為害秉彝相視高下鑿渠引入大清河涸之得膏壤數百頃民食其利尤善綜核凡邑中廢棄物無不籍而藏之暇令工匠各裁其用皮以煮膠鐵以鑄杵故紙朽索以為絢絞會上北巡勅有司建席殿秉彝咄嗟而辦帝將召用之阿民泣奏請畱而止詔進一階仍畱任後以勞卒於官

施守正

南直休寧人宣德時判泰安州多善政尋知州事以憂去民奏復畱至景泰初致仕

伍禮

江西人景泰時知萊蕪縣政事文學為一時之最後知曹州亦多治績

王範

北直開州人成化時知東平州政尚寬厚折獄惟良秩滿民奏請畱之詔再任三年

包溥

字民敬浙江鄞人弘治時知新泰縣在任六年政成民安陞南京監察御史

何繼周

福建人弘治時知萊蕪縣廉慎有才事無畱滯而振起斯文邑中多其成就者

鄭順

北直宛平人正德時知新泰縣時差役繁重百姓苦之順乃條上奏減三分之一

熊驤

河南固始人正德時知萊蕪縣流寇侵犯驤率民兵出戰被執與主簿韓瑋皆不屈死之

馮守禮

山西猗氏人崇禎末知萊蕪縣十五年城破守禮偕其子摠奇拱奇自經於署堂

吳汝宗

福建寧洋人崇禎時知東阿縣十五年城破汝宗死之

曹州府

漢

韓延壽

字長公燕人宣帝時為東郡太守延壽為史上禮義好古教化所至必聘其賢士以禮待用廣謀議納諫

諍置正五長相率以孝弟不得舍奸人在郡三年令行禁止考績為天下最

蕭繇

東海蘭陵人宣帝時為定陶令有聲名遠近皆慕之

王尊

字子贛涿郡高陽人元帝時為東郡太守河水泛浸瓠子金堤老弱奔走尊躬率吏民沉自馬祀水神親

執圭璧請以身委因廬居隄上及水盛隄壞吏民皆趨避惟一主簿在尊旁立不動事聞帝嘉勞之

翟義

字文仲汝南上蔡人哀帝時為東郡太守王莽居攝與都尉劉宇舉兵討莽不克死之

耿純

字伯山鉅鹿宋子人光武帝時為東郡太守奉詔擊泰山濟南平原等賊皆破降之居東郡四年吏民服

悅會以事免逾年帝征董憲道過東郡百姓扶老携幼隨車駕涕泣願復得耿君迨後東郡濟陰盜起拜純為太中大夫

使與大軍會東郡擊之郡聞純入界盜賊九千餘人皆詣純降大兵不勝而還璽書復以純為東郡太守

劉平

字公子彭城人光武時為濟陰郡丞有治績太守劉育薦之乃授以郡

張 甫 字孟侯細陽人章帝時為東郡太守甫雖儒者而性

剛方下車擢用義勇搏擊豪強郡吏王青三世死節

上疏薦之元和二年帝東巡引甫及門生等竝會於亭中

命甫講尚書帝先修弟子之禮後修君臣之禮時人榮之

橋 瑁 字元瑞宜陽人獻帝時先為兗州刺史甚有威惠後

為東郡太守與袁紹同時起兵眾各數萬共討董卓

臧 洪 字子源廣陵射陽人獻帝時初為青州刺史適黃巾

殘破之餘洪收撫離叛百姓復安袁紹忌之表洪遷

東郡太守曹操圍張超於雍邱洪從袁紹請兵赴難紹不與

雍邱遂陷洪由是怨紹不與通紹與兵圍之歷年餘不下城

中食盡將士相枕而死莫有 叛志及城陷遂不屈而死

陳 容 射陽人隨臧洪為東郡丞袁紹將斬洪時容在座謂

紹曰將軍舉大事而先殺忠義士乎紹慙併容牽出

斬之容曰仁義之事蹈之則君子背之則小人今日寧與臧洪同死不與將軍同生也

附 王 閔 東郡太守 魯 丕 東郡太守 詳青州府

鄭 袤 字叔世樂陽開封人文帝時濟陰太守下車旌表孝

弟敬禮賢能興立庠序開諺後進治成調補大將軍

沐 並 字德信河間人文帝時濟陰太守有清名遠近皆欽

仰之與河內常林馮翊吉茂鉅鹿時苗並登清介傳

羊 茂 字季寶平陽人為東郡太守廉介不苟取與冬月坐

白羊皮夏月坐榆木板牀出界雖鹽豉必買食之

山 曜 河內懷人武帝時 為宛句令以治稱

虞 曷 字子文餘姚人武帝時濟陰 太守抑強扶弱甚有威信

韓 弘 懷愍時為濮陽太守嘗襲破頓邱郡斬石 勒所署太守邵攀勒怒攻濮陽陷之被殺

北朝 童 騰 高祖時為鄆城令持身貞廉勤恤 民隱兗州刺史鄭義特表薦之

殷孝祖

陳郡人魏世祖時歷濟陰陽平東平三郡太守兗州刺史俱有治績

邢邵

字子才河間人明帝時西兗州刺史有善政凡吏人姦伏守令長短邵無不知之且有文名見重於學者

刁雙

明帝末為西兗州刺史時盜賊蜂起州人張桃弓等招聚亡命公行劫掠雙至境遣人陳示禍福桃弓即

隨使歸罪

雙厚遇之後有盜發之處即

令桃弓

追捕咸悉擒獲於是州境肅清

陽休之

字子烈右北平無終人仕齊為西兗州刺史有惠政吏民懷之

隋

乞伏慧

字令合馬邑鮮卑人開皇初曹州刺史曹舊俗民多隱戶慧下車按察得戶數萬後轉齊州刺史亦得隱

千戶數

唐

裴炎

字子隆聞喜人高宗時為濮州司倉叅軍寬厚有奇節後仕至中書令

